

Na osnovu člana 33. Zakona o izvršenju Budžeta HNK za 2022. godinu („Službene novine HNK“, broj: 11/21,7/22), Odluke Vlade HNK o usvajanju Programa utroška namjenskih sredstava za zaštitu i unapređenje ribarstva sa kriterijima raspodjele sredstava za Ministarstvo poljoprivrede šumarstva i vodoprivrede HNK („Službene novine HNK“, broj: 8/22), i tačke 3. Programa utroška namjenskih sredstava za zaštitu i unapređenje ribarstva sa kriterijima raspodjele sredstava za Ministarstvo poljoprivrede šumarstva i vodoprivrede HNK („Službene novine HNK“, broj: 8/22), Odluke o raspisivanju Javnog poziva za raspodjelu namjenskih sredstava za zaštitu i unapređenje ribarstva sa kriterijima raspodjele sredstava broj: 11-03-20-1150-8/22 od 17.10.2022. godine Ministarstvo poljoprivrede, šumarstva i vodoprivrede HNK objavljuje

**JAVNI POZIV
za raspodjelu namjenskih sredstava za zaštitu i unapređenje ribarstva
sa kriterijima raspodjele sredstava**

I PREDMET JAVNOG POZIVA

Predmet Javnog poziva je prikupljanje prijava za sufinansiranje projekata usmjerenih u svrhu zaštite i unapređenja ribarstva, u skladu sa članom 29. Zakona o slatkovodnom ribarstvu HNK i Programa utroška namjenskih sredstava za zaštitu i unapređenje ribarstva sa kriterijima raspodjele sredstava za Ministarstvo poljoprivrede šumarstva i vodoprivrede HNK.

II IZVOR SREDSTAVA

Sredstva za realizaciju Javnog poziva osigurana su u skladu sa Odlukom o povećanju prihoda i rashoda u tekućem Budžetu HNK za 2022. godinu Ministarstvu poljoprivrede, šumarstva i vodoprivrede na poziciji-Namjenska sredstva od naknada za ribarstvo („Službene novine HNK“, broj: 8/22) organizacijska jedinica 37010009, ekonomski kod 614300 „Grant neprofitnim organizacijama“, u iznosu od 83.021,00 KM (slovima: osamdesettrihiljade dvadesetjedna konvertibilna marka).

Sredstva u iznosu 83.021,00 KM su sredstva uplaćena kao naknada za korištenje ribolovnih zona ribolovnog područja HERCEGOVAČKO NERETVANSKO u 2019., 2020. i 2021. godini.

III PRAVO APLICIRANJA NA JAVNI POZIV

Pravo apliciranja i pravo na dodjelu sredstava imaju registrovana udruženja/udruge sportskih ribolovaca koja sa Ministarstvom poljoprivrede, šumarstva i vodoprivrede HNK imaju sklopljen Ugovor o ustupanju dijela ribolovnog područja - ribolovne zone na području Hercegovačko-neretvanskog kantona u svrhu bavljenja sportsko - rekreativnim ribolovom, te da su uplatili godišnju naknadu u 2019., 2020. i 2021. godini za ustupljeno ribolovno pravo u skladu sa potpisanim Ugovorom.

Aplikanti-udruženja/udruge sportskih ribolovaca moraju imati izmirene obaveze za 2019., 2020. i 2021. godinu vezano za godišnju naknadu za korištenje dijela ribolovnog područja-ribolovne zone.

Podnosioci prijave koji su namjenska sredstva za zaštitu i unapređenje ribarstva već koristili za projekte koji su ranije sufinansirani u skladu sa zaključenim Ugovorima o sufinansiranju i uslovima korištenja namjenskih sredstava za realizaciju projekta za zaštitu i unapređenje ribarstva iz 2020. godine, ne mogu za iste projekte ponovo dobiti namjenska sredstva.

IV KRITERIJI ZA RASPODJELU SREDSTAVA

Raspodjela sredstava korisnicima ribolovnog prava vrši se prema utvrđenim kriterijima. Kriteriji koji se uzimaju prilikom određivanja raspodjele sredstava su:

1. Potpisani Ugovor o ustupanju dijela ribolovnog područja-ribolovne zone na području Hercegovačko-neretvanskog kantona u svrhu bavljenja sportsko-rekreativnim ribolovom, visina uplaćene godišnje naknade za korištenje dijela ribolovnog područja-ribolovne zone.

2. Dostavljen projekt u svrhu zaštite i unapređenja ribarstva,

Za zaštitu ribljeg fonda

- zaštita prirodnih mrjestilišta autohtonih vrsta riba,
- vidno obilježavanje granica ribolovnog područja,
- vidno obilježavanje područja na kojima je zabranjen ribolov.

Za unapređenje sportskog ribolova

- organizovanje edukacije za ribolovce,
- škola za mlade ribolovce,
- organizovanje takmičenja za ribolovce,
- izrada postera, reklamnog materijala, brošura,
- zaštita i unapređenje ribarstva kroz opremanje ribočuvarske službe.

Za zemljipse radove

- krčenje, čišćenje, ravnjanje priobalnog terena,
- sanacije i uređenja ribarskih staza,
- sprečavanje erozije, čišćenje kanala.

Za građevinske radove

- izgradnja nadstrešnice za odmor i rekreaciju,
- formiranje terasa na nagetim terenima,
- izgradnja i dogradnja takmičarske staze i ribarskog puta i staza.

3. Broj članova udruženja/udruge.

4. Površina/dužina/zapremina ribolovne vode, kao i dužina, razuđenost i pristup obali na akumulacijama i rijeci Neretvi sa pritokama.

V PRIJAVA I DOKUMENTACIJA NA JAVNI POZIV

Za sudjelovanje na Javni poziv podnositelj prijave mora da dostavi sljedeće:

1. Obrazac prijave na Javni poziv treba biti uredno popunjeno, u kojem su navedeni osnovni podaci koji se traže od podnositelja prijave - puni naziv podnositelja prijave ID broj, adresa sjedišta podnositelja prijave, broj: telefona, faxa, mobitela, e-maila, ime i prezime ovlaštenog lica za predstavljanje i zastupanje, djelatnost podnositelja i dokumentacija koja se prilaže uz obrazac. Obrazac prijave na Javni poziv se preuzima sa web stranice Ministarstva www.mpsv-hnz-k.ba.

2. Dokumentacija (original ili ovjerena kopija) koja se dostavlja uz obrazac prijave:

- Projekt za zaštitu i unapređenje ribarstva,
- Kopija uplatnice o izmirenim obavezama za naknadu za ustupljeno ribolovno pravo za 2019., 2020. i 2021. godinu,
- Rješenje Ministarstva pravosuđa, uprave i lokalne samouprave HNK koje je u skladu sa Zakonom o udrugama i fondacijama („Službene novine F BiH“ broj 45/02),

- Dokaz o ispunjavanju obaveza u vezi plaćanja poreza (direktnih poreza od Porezne uprave F BiH i indirektnih poreza od Uprave za indirektno oporezivanje BiH, u skladu sa relevantnim zakonskim propisima - dokazi ne stariji od 6 mjeseci).
- Dokaz o broju članova udruženja - Izjavu potpisano i opečaćenu od strane odgovornog lica. Neblagovremene prijave na Javni poziv neće se uzeti u razmatranje.

Projekt za zaštitu i unapređenje ribarstva iz tačke 2. ovog Poglavlja treba sadržavati:

Sufinansiranje se odnosi na projekte za zaštitu i unapređenja ribarstva sa akcentom na zaštitu ribljih staništa i mrjestilišta autohtonih i ostalih vrsta riba rijeke Neretve i njenih pritoka, obilježavanje granica ribolovnog područja i zaštićenih staništa, zatim uređenje ribarske staze, izgradnju obalnih nadstrešnica za aktivnosti članova ribolovnih udruženja, nabavka opreme koja će služiti u svrhu lakšeg obavljanja zaštite i unapređenja ribarstva, promocija sportskog ribolova, sa iskazanim finansijskim sredstvima.

Projekti za zaštitu i unapređenje ribarstva, moraju biti urađeni na osnovu jedinstvene metodologije za izradu projekta kako slijedi:

Podaci o nositelju projekta:

- naziv udruženja/udruge,
- adresa sjedišta udruženja/udruge, kontakt telefon,
- predsjednik udruženja/udruge: ime i prezime i kontakt telefon,

Podaci o dijelu ribolovnog područja-ribolovne zone:

- naziv ribolovne zone,
- površina/dužina/zapremina ribolovne vode,
- broj članova sportsko - ribolovnog udruženja/udruge,

Podaci o projektu:

- naziv projekta,
- planirani početak i završetak aktivnosti na realizaciji projekta,
- mjesto-lokacija provedbe projekta,
- opis projekta, ciljevi projekta, korisnici projekta, dinamika planiranih aktivnosti projekta, očekivani efekti, rezultati projekta,
- ukupni troškovi projekta za koje se podnosi prijava za sufinansiranje sa detaljnom specifikacijom troškova projekta po stavkama,
- opća korist za zajednicu.

VI BODOVANJE POJEDINAČNIH PROJEKATA

Bodovanje pristiglih prijava sa priloženim projektima primjenjivat će se na slijedeći način:

1. Visina uplaćene godišnje naknade za korištenje dijela ribolovnog područja/ribolovne zone - do 10 bodova
2. Prijavljeni projekti vezani za zaštitu ribljeg fonda – do 20 bodova
3. Prijavljeni projekti vezani za unapređenje sportskog ribolova - do 10 bodova
4. Prijavljeni projekti vezani za zemljische radove - do 10 bodova
5. Prijavljeni projekti vezani za građevinske radove - do 10 bodova
6. Broju članova udruženja/udruge - do 10 bodova
7. Površina/dužina/zapremina ribolovne vode, kao i dužina, razuđenost i pristup obali na akomulacijama i rijeci Neretvi sa pritokama - do 20 bodova

Odabir projektnih prijedloga vršit će se u skladu sa kriterijima i usvojenim Programom utroška namjenskih sredstava za zaštitu i unapređenje ribarstva sa kriterijima raspodjele

sredstava za Ministarstvo poljoprivrede, šumarstva i vodoprivrede HNK („Službene novine HNK“, broj: 8/22).

Nakon što Komisija utvrdi blagovremenost pristiglih prijava na Javni poziv, vrši otvaranje te razmatranje dostavljenih prijava i prihvatljivost ponuđenih projekata u skladu sa utvrđenim kriterijima iz Javnog poziva. U skladu sa utvrđenim kriterijima izvršit će se bodovanje prihvatljivih prijava i informacija o tome dostaviti Ministru. Ministar će utvrditi prijedlog raspodjele sredstava odabranim aplikantima i prijedlog Odluke uputiti na Vladu HNK. Vlada HNK donosi Odluku o raspodjeli namjenskih sredstava za zaštitu i unapređenje ribarstva Ministarstvu poljoprivrede, šumarstva i vodoprivrede. Sa odabranim korisnicima Ministarstvo zaključuje Ugovor o sufinansiranju i uslovima korištenja namjenskih sredstava za realizaciju projekta za zaštitu i unapređenje ribarstva.

Prijave aplikata koje nisu ispunile uslove iz Javnog poziva, prijave za koje se utvrdi da su neblagovremene, nepotpune, neosnovane i od neovlaštenog lica podnesene odbaciti/odbiti će se rješenjem.

Objavom Odluke o raspodjeli namjenskih sredstava za zaštitu i unapređenje ribarstva Ministarstvu poljoprivrede, šumarstva i vodoprivrede na službenoj stranici Ministarstva aplikanti – odabrani korisnici smatraju se obaviještenim o rezultatima Javnog poziva.

VII NAČIN PODNOŠENJA PRIJAVE

Rok za dostavljanje prijave je 15 dana od dana javne objave Obavijesti o raspisanom Javnom pozivu u dvije štampane dnevne novine i objave Javnog poziva na web stranici Ministarstva www.mpsv-hnz-k.ba.

Prijava na Javni poziv za raspodjelu namjenskih sredstava za zaštitu i unapređenje ribarstva sa kriterijima raspodjele sredstava podnosi se na Obrascu koji je sastavni dio ovog Javnog poziva i sa prilozima dostavlja se u zatvorenoj koverti lično ili putem pošte na adresu: Ministarstvo poljoprivrede, šumarstva i vodoprivrede HNK, Hrvatske mladeži bb, 88 000 Mostar, sa naznakom:

Ne otvarati „Javni poziv za raspodjelu namjenskih sredstava za zaštitu i unapređenje ribarstva sa kriterijima raspodjele sredstava“.

Prispjela dokumentacija se ne vraća.

VIII NAČIN OBJAVE JAVNOG POZIVA

Obavijest o raspisanom Javnom pozivu objavit će se u dva štampana dnevna lista, a integralni tekst Javnog poziva objavit će se na službenoj stranici Ministarstva www.mpsv-hnz-k.ba te u Službenim novinama HNK.

Komunikacija se može ostvariti pozivom na broj telefona 036 445-900, 036 445-914, 036 445-917 ili putem e-maila: ministarstvopoljh@ gmail.com.

IX ZAVRŠNE ODREDBE

Sa korisnicima koji ispune uslove i kriterije za dodjelu sredstava iz tačke IV i V Javnog poziva, Ministarstvo će zaključit Ugovor o sufinansiranju i uslovima korištenja namjenskih sredstava za realizaciju projekta za zaštitu i unapređenje ribarstva, za koji su sredstva odobrena.

Nakon završetka projekta, korisnici ribolovnog prava kojima su dodijeljena sredstva, u skladu sa Zakonom o izvršavanju Budžeta Hercegovačko-neretvanskog kantona dužni su dostaviti Izvještaj o provedenim aktivnostima, ostvarenim efektima i utrošenim sredstvima sa

priloženim računima o utrošku dodijeljenih sredstava. Izvještaj korisnici ribolovnog prava trebaju dostaviti u Ministarstvo poljoprivrede, šumarstva i vodoprivrede HNK 45 dana nakon isplate sredstava korisniku. Ukoliko korisnik sredstava nije dostavio Izvještaj o utrošku sredstava ili nije sredstva utrošio namjenski dužan je izvršiti povrat sredstava u Budžet HNK. Korisnici ribolovnog prava kojima su dodijeljena sredstva podliježu nadzoru kantonalnog poljoprivrednog inspektora. Inspeksijski nadzor u provedbi Zakona o slatkovodnom ribarstvu, Programa i ovog Javnog poziva obavljuju poljoprivredni inspektori ovog Ministarstva. Poljoprivredni inspektor vrši kontrolu da li su korisnici ribolovnog prava kojima su dodijeljena sredstva dostavili Izvještaj o provedenim aktivnostima, ostvarenim efektima i utrošenim sredstvima sa priloženim računima o utrošku istih i da li su sredstva utrošena namjenski. Ako poljoprivredni inspektor utvrdi da korisnik sredstava nije dostavio Izvještaj ili utvrdi da je sredstva utrošio nemajenski, poljoprivredni inspektor nalaže korisniku ribolovnog prava povrat cijelog iznosa dodijeljenih sredstava u Budžet Hercegovačko-neretvanskog kantona uplatom na depozitni račun Hercegovačko-neretvanskog kantona broj: 338-000-22000059-53, organizacijska jedinica 3701001, vrsta prihoda 721228 - „Prihodi od ustupanja ribolovne zone“.

Nakon dostavljenih izvještaja od strane korisnika sredstava, Ministarstvo poljoprivrede, šumarstva i vodoprivrede po realizaciji odobrenih projekata će Vladi HNK i Ministarstvu finansija dostaviti Izvještaj o provedenim aktivnostima, ostvarenim efektima i postignutim ciljevima po svakom odobrenom projektu.

X SPRJEČAVANJE SUKOBA INTERESA

Svaki član Komisije bit će isključen iz postupka dodjele sredstava ukoliko se utvrdi da je u sukobu interesa u odnosu na podnositelja prijave.

Podnositelji prijave imaju mogućost da Ministarstvu poljoprivrede, šumarstva i vodoprivrede HNK prijave sumnju na postupanje sukoba interesa, a Ministarstvo će odlučiti po svakoj prijavi.

Broj: 11-03-20-1150-9/22

Mostar, 17.10.2022. godine

